

0 بالتأكيد المخاليق دى

مش بنى آدميين

الناس مدبوحة من كل الأصناف

وهمه بيتصوروا مبتسميين

وبعد ما يتغدوا ويتعشوا ويتبادلوا

الأخبار

تلاقيهم أحباب مش على بالهم

مين اللي ح يقتل مين؟

\*\*

ياترى الدبلوماسية خيانة؟

والا أحنا جميعا متواطئين

•

0 عصرتوا سقط الكلام  
فى كاسات شربناها  
وحاولنا نفهمها جد  
عجزنا كرهناها  
فقدنا بيكم معاها عشقنا الأوطان  
نفق الزمان اللى كان  
للکلمة معناها

\*\*

وما البشر غير لسان  
والكذب سواها

•

O باتمنى أقابلهم صدفة  
واصرخ فيهم – (ياحشرات!)  
انتم لا عرفتم أَنبَايَا  
ولا حتى قرئتم آيات  
معقوله قلوبكم شائله كل ده حقد  
على البشريه

ما انتم الا السحنة الشيطانية  
لعصر الانكسارات

\*\*

بفضل غيابكم ضاع الإيمان  
والدين الطيب مات

•

0 عَوَدتونا نلبس أقنعة الفرّح  
واحناف عز الأحران  
وأجبرتونا نحس الجرّح  
بقسوة ونترجّى النسيان  
وياكم ما عاد الفرّح حقـيقي ولأ  
الجرّح أليم  
ولابـاقى عقل سلـيم  
يحررنا من زنزان عدم الامكان

\*\*

الدين اللى فى الأصل محبة  
أصبح وهم ف غفران!

•

0 قررت أمضغ بزاز

الحكمة باسنانى

وأشكم العقل وانسى

حسّ ووجدانى

مادام الديانة بقت قتل وحريق ودمار

ليه عاد نخلف صغار

ونحب ونعانى!

\*\*

ربك حكم ع الشر

مين يدبح التانى؟

•

0 رجع نظام يوليه  
فانتعش اللي خنقونا  
وكتفونا ضحايا ونمر  
وحمير فى طابونه  
لكن الزمان اختلف والدنيا دوارة  
ماعادتشى حارة ح تقبل  
ضِلّ اللي ذلّونا

\*\*

كل اللي هدّموه  
وبرضه تهمونا

•

0 قررت أقطعَ قسايد  
عشقا وأبيع  
واكتب طلب هجرة  
لصفوف الضحايا واضيع  
ألحق بعصر الخيام مادام مصير مقدور  
بدل مابحرُك وادور  
فى مناقفة الجرابيع .!

\*\*

كافة رايات العرب  
حرقتها ربح الربيع

•

0 نسمة طراوة مندّية  
فى بلكونة صيف  
سحبتنى من حبل الذكرى  
لمكان فى الريف  
ساقية وجميزة ومروى ومية فيضان  
وحس إنسان بيرحب  
وانا عابر ضيف

\*\*

سالت على الخد مدامع  
قلبي الأرشيف.!

•

0 الشاب اللى فاتح ميكروفون

توك توك وبيزعق

مش واعى أنه حمار

بيشم زباله بينهق

لو كان لقى فرصة ينضف يتعلم

يعشق ويحب

كان ح يشب يدب

على صدر بلاده متحقق

\*\*

مش بيأقط لقمته

بالصدفة ويموت متعلق !

•

0 قاعد على شط الزمن  
باصطاد فى بلگونه  
بتمر تحتى الحياه  
مقهورة مجنونة  
بشر وأحلام و أوهام وحكام من  
صغار الناس

وجهل حساس  
لكارته خفية مدفونة

\*\*

توَجّ تولع فى لحظة  
وئم - تِكِنُ مسجونة !

•

0 شِعْرَكَ شَبِيهَ عِرْقِكَ

عَصَارَةَ مَعْدَتِكَ وَالِدَمِ

مَرُورِي بِمَنْابِعِ قَرَايَاتِكَ

وَمَتَسِّمًا بِمَعَانَاتِكَ أَمَلٍ أَوْ هَمِّ

سَمِعْتَ مِينَ؟ قَرَيْتَ لِمِينَ؟ وَمِينَ

أَغْنَاكَ بِتَجْرِبَتِهِ

مِينَ الَّتِي خَذَلَتْ كَرِهَتَهُ

وَمِينَ صَادَفْتَهُ صَارَكَ عَمَّ؟

\*\*

حَتَّى وَلَوْ حَرْفٍ وَاحِدٍ

عَطَّرَ الْجَمَالَ مَشَّ كَمَّ

•

0 كنت فى نفس المكان

والمنظر اتغَيَّرَ

بدل شبابيك بيوت

غصون شجر اخضر

طب ليه براح قلبى ضاق واتبدل

الإحساس

هل علَّتى الناس

وانا شايب وانا صغَيَّرَ؟

\*\*

بحر الحياه عاتى

وانا مقاديفى بتتكسَّر

•

0 يا عازف الأوبرا

فسر لى الكلام أفهم

أنا مش حمار يا جدع

ولاجماد أبكم

دانا روحى فنان وقلبي بالنغم مفتون

والرب خلط الفنون

بجنون بحيث لا تعلم

\*\*

فَأَتَانِي َحَابَّةٌ عَلَيْهِ

المشاركة فى الجمال والفن أكرم

•

0 الشلّت فوق الكراسى  
اللى كلّت م التراب  
الملايات اللى مقطوعه طرفيها  
لمئات الأسباب  
والسرير اللى مراتبه اتحملت منى  
الكثير  
والكتب والأضابير  
اللى تايه منى فيها ميتين كتاب  
\*\*

لما اروح الجنه بكره يوحشونى  
ويشهدوا لى يوم الحساب

•

0 حاجة حصلت مش عارفها  
نكدت فجأة عليه  
وحاجه شايفها وناسيها  
غرغرت دموع عينيه  
قلبي مقبوض بالقوى من ألف  
حاجه غايبه عني  
غرقونى وحسن ظنى  
شلىنى وكتف ايديه

\*\*

يا أسارى الجهل لو تصحوا  
فلا تهتموا بيّه

•

0 عبد الرحمن برنشت  
وكفر طهرمس شبرا والبراجيل  
عمر مانستنى أيامهم  
أيام عشقى لميت سلسيل  
والشام وعدن وموسكو وباريس  
حتى بيروت

كان لى فيها بيوت لكن أشبه  
بالورق البفرة على موجة نيل

\*\*

ما الدنيا إلا أماكن بتعيشها  
واللى يحبك منها قليل

•

0 قریت جاك روسو وزولا

وابن الجوزى وفوزى وطه حسين

أوراق الوفات عشرات

يمكن – وآيات ملايين

إيه اللى عشش واترسب كلبش فى

وجدانى

وايه اللى نسانى ..

ونسَانى منهم مين ؟

\*\*

مازلت باحملهم أسباب فرحى

وأحزانى ولاهم داريين !

•

0 أخيرا وصَلنا الكذب

لعصر معاداة (الشيوعية)

والفهوى منا بيتكلم عنها

كأنها كانت مقلب حرامية

ياجِعِرُ التاريخ صفحات وصراع

الطبقات حلقات متواصلة

ومسيرها الطبقة العاملة

ح تكتبها الصفحة الجاية ..

\*\*

رغم التحليلات الديجتال

والعصابات عبر الدولية !

•

0 وكأني باصفي مع الدنيا  
والعالم كل الحسابات  
صاحبه في دماغى خلايق  
وقرايب واصحاب وأماكن واخوات  
إيه اللى بيـوحى لى ف نـومى  
وصحيانى بكل ده ملكوت؟  
أنا خايف الموت ؟  
والا باتحسرع اللى غدرنى ومات ؟

\*\*

والا لحظات وتعـدى  
زى اللى قتلتنى عشرات المرات !

•

0 عمرى ما طمعتش أطول  
سلاية من بستان جمالك  
رغم انى عشت متشعبط  
على سلم حبالك  
وأما أبعد كنت اضيع يصعب عليه  
كل من داسوا عليه  
من عيالك  
\*\*

واللى طبَّب جرحى  
بعض أصيل خصالك

•

0 زنزانه أربع أوض

ساكنها فردانى

باهزمها بالشعر

وبمزيكة وأغانى

حكم الزمان اللى كان بالقسوة

بكره يكون

طول عمرى مسجون

ولو طائر على حصانى

\*\*

سجنى بنيتيه بنفسى

متسرسب فى وجدانى

•

0 صاروخ فى ساعه الصلا

عبر الحدود جانا

قتل اللى قتله

ماعديناش موتانا

مكتوب عليه (الله أكبر) قلت حسبنا

نعم الوكيل

قال لى واحد مات قتيل

إنت بتحسبن علينا أم معانا؟

\*\*

نفسنا نباهى الأمم

حسب ما قال من هداانا؟

•

0 ما افرحش يقرا كتابى  
غيرى م الكتاب  
لأنه راح يهملوه...  
لكثير من الأسباب  
أنا نفسى يقرانى ناس القهوة  
والتلاميذ

اللى مزاجهم لذيذ  
رغم الظروف الهباب !

\*\*

واللى ما بتخبروش  
بين عدس ولأ كباب .

•

O بتزورنا كم طيارات  
تقصفنا ساعة الصلا  
عاميه ماتفرق معاها  
زحمة سكن من خلا  
سألت ياهلترى مُسَلِّمِه قنابلها أم  
كفار؟

وسايقها طيار بدقن  
مباركها بالبسمة؟.

\*\*

فيه م اللي ماتوا بدقون  
وفين بقى المشكلة؟

•

O ولَعِتْ خِنَاقَةَ

كما بتوِّج في العادة

بين شأى بفتلة

وفنجان قهوته زيادة

منهم ضعيف اتبطح في دماغه

بالجوزة

فوزتته العوزة راح

ع القسم للسادة

\*\*

هربوا الجميع أختفوا

الشَرَّيْبَةَ والقادة !

•

0 فى العاده شعب التسخَ لُف

يشبّه لِحَّامَة

كل اللى فاته وراه

بيتَّحَّ كَم ف قدامَة

بيدور دواير خيابة فى سواقى الغلب

ونفسه يحلم يقب

ولا بيرفَعش أعلامه .

\*\*

زعيم وريس ملك

والباقى خُدَّامُه !

•

0 دا شعب م المقهورين  
باين سلاله عبيد  
غاويين نبات مكسورين  
نحيى تراث العديدي  
ونحب ان ننحنى ونبتسم فى نفاق  
وبلا اتفاق كلنا  
بنخضع لزرد الجديد

\*\*

لو كان ده تحليل فلسفى ؟  
بلا نيئة ؟ ايه الجديد ؟!

•

0 كنت مرعوب يا (برادعى)

بس قلت تغش

قلنا يجوز حسن نيّة

خاف سمعته تتخدش

قبلت ليه المناصب وانت صاحب

نظر

ماكنش عندك خبر

إن الدول بتتكش ؟

\*\*

وان اللى صدفة بيكبر

بالصدفة يقعد ينش

•

0 ما عا دَش في العَمر

باقي متسَع لكتابه

ولا باقي فسحة أمل

في بلاد نهشها الديابه

لما الوطن يبقى مضغة ف بق كل

الضباع

يبقى الضياع فرض عين

والخسّة غَلاّبة!

\*\*

يا حصرة على موهبه

في غُرْبَة الغابه ..

•

0 انا الذى فى الغرام  
كادنى الهوى بخساره  
تهت فى بيوت الأكاير  
ضعت فى الحاره  
ملكيت ياما قلوب وعصرت حلماها  
وحكيت حكاياتها كنى  
ما هُننت لعذارى

\*\*

وذكريات اللى زى  
خاينة غداره!

•

0 كتبت عن بعضهن  
بعد ما أحببت  
وسترت عرض اللواتي  
فى الهوى استحرمت  
أنا عشت عصفور هوى ليه سطوح  
واحواش

بنيت عليها اعشاش  
وعمرى ما أجرمت

\*\*

عُمت ف بحور الغرام  
وغرقت ما حرمت

•

0 لا شئ جديد بيحرك  
ولا قديم يحي أمل  
الوقت نفسه بيحرك  
بطول ضوافر المائل  
كل التفاصيل مجحفة ، كل العلاقات  
جايبه دم

وكل مهتم بالوطن  
بيهزمه عجز الخجل

\*\*

وكل حيظ تركز عليه  
توًا يوافيه الأجل

•

0 كام واحدة دمرتها  
بسطة إنك الزعيم  
عملت من إيمانها  
سِلْمَ لِمجدك العقيم  
الثورة كانت عملة صعبة نَفَخت

جيوبك

أخفت عيوبك عن  
عيون ضَعْف الضحايا المؤمنين

\*\*

واما فاقوا ضَحُوا ضاعوا  
وفزت انت بالجديد وبالقديم

•

0 ماتز علوش منى  
يا أهل الحجا والأدب  
انا أصلى معجون  
بمية من سبيل الغضب  
ألوف سنين والبشر متعصبين  
على بعض

بحجة الأرض مره

أو عشان الذهب

\*\*

والأدهى من كل ده

بسبب غرور النَّسب !

•

O الداية لما سحبتنى  
شدتني بلسانى  
كادنى الألم بالغضب  
عضّيتها باسنانى  
مع انى مولود ضعيف جاهل  
مانيش فاهم

لقيتني عايم غريق  
فى نبع أحزاني ..

\*\*

صرخت أبكى المصير  
ردّونى من تانى ..!

•

O ليه الخليل ابراهيم  
اللى اصطفاه ربنا  
مع إنه مخلوق عراقى  
بسيط ولا يزيد عننا  
مادعاش خليله لجل يحمى من  
البلايا بلاده

ويصون دما اولاده

المغديرين زينا

\*\*

من نار بتحرق بشر

طول التاريخ مؤمنة !

•

O ليه الحاسوب لم ظهر  
أيام رسول الله  
مع إن أسرار جميع  
كل العلوم ويأه  
وما ظهرش أيام معاوية ولا الناصر  
صلاح الدين

مع إننا محتاجين  
لبشارة ياولداه

\*\*

ترد أمل الميـتـين  
العشمانين في الحياة

•

O كانت بيوتهم عجوزة  
عجيبة الشكل مدفونة  
طوب الحيطان زييً  
راصص بعضه بلا مونة  
وكان لها شبابيك من غير قزاز بس  
ليها حضور

يتسرب النور  
يخلى الألفة مضمونة

\*\*

وعوالم الجن تصحى  
مع الحدوتة مأمونة

•

O هو مؤمن بابوبكر والبخارى  
زى ما انت كنت بلينين وستالين  
قول لى إيه الفرق وانتم زى  
بعض ف زاوية حاده محصورين  
والزمن بقى غير زمان والحياة أوسع  
واغنى كثير كثير

والغباء مالوش كبير

الغباء مالوهش دين

\*\*

واللى كان مخفى فى بير

صار يفظ فى الميادين

•

O كل يوم أسوأ  
شوية عن اللي قبله  
جسدى بيـعافر  
يعَدي لبكرة وبَعْبَلْه  
كلها أيام سخيفة واللى جاى  
أبوخ فأبوخ

الوجود مهدود مدروخ  
كل مادا يزيد فى هبله

\*\*

يظهر إن الساعة حانت  
والمحصَّن حل أجله

•

0 إرمح بجحش وكراته  
إسرح بقدرة فول  
واقليب بطانة الجاكته  
ونط علشان تطول  
وارقص على حبل مرخي من جيهان  
لسوزان

ح تلاقى ظرف الزمان  
يخضع لظرف الوصول..

\*\*

تفوز في أى امتحان  
بفضل جَلْحُ العقول..

•

0 إوعى تفرح باللى طئنته  
وماكنش يُحُق لك  
يسعدك تفرح به ياما  
بس فجأة يقتلك  
حصّة الزور كدبة حتى وان  
بانّت بطولة

راجع ايام الطفولة  
تكتشف فين مقتلك

\*\*

زى ما بتدين تدان  
وعليك قد اللي لك

•

0 انت فى الأصل الأصيل  
نفسيتك خدام  
عمر ما برطعت مرة أو جربت  
من غير لجام  
حتى أيام ما الحمير استنطعوا  
فوق الكراسى

خيروك والكل راسى  
بردعة ولا مدام؟

\*\*

انت ما اتحيرت لحظة  
وارتضيت عيشة الحرام

•

O لو إنه من أولكشي  
بِتْ وحسَم أمره  
ماكانش شال عِلَّتْه  
قَتَبْ على ظهره  
وماكانش رَعْبُه سرق بكره وكَدَّر  
إحتمالاته

وكانت حياته اغتنت

بذكريات عمره

\*\*

وماكانش شيبته يعذبها

إختبار صبره

•

O ترجم لغات الزهور  
واتعلم الزقزقة  
أنساه عذاب القبور  
وجهنم المحرقة  
إشكر لهذا الوجود ما قد حباك  
من جمال

عيش الحياه من خيال  
والموت نهاية الشقا

\*\*

لو كان تجاوب سؤال  
فراشة فى شرنقة !

•

0 عمر ما اتحيرت مرّة  
واتنصفت فى الاختيار  
حتى لما دفعت دمك  
كنت مخفى ورا الستار  
بس عمرك يافتى ماراحش هذر  
رغم غدر الصحبة  
واللى خانوك كتار

\*\*

كنت بتعدّى الصراط  
وجهتك شمس النهار

•

O الغوطة والرَبوة وباب توما  
والسبع بحرات وركن الدين  
بركات وأُنْفَتْ وناديّة  
والمدام إحسان وبندر والحسين  
على مين ياغريب بتسأل ولا مين  
عايز تزور؟

صارت البنايات قبور  
غوص فى كشف المفقودين؟

\*\*

مدفونين تحت التراب؟  
والا صاروا مَهَجَرِين؟

•

0 بتشاور اللي خايف منك

أو محتاج لك

جرب تشاور ناس حرة

مش ح تجاملك

قعدت ياما على الكرسي ماوعيتش

الدرس

بكرة مالهوش ملامح

أمس اسال عقلك

\*\*

لو كنت ناوى صحيح

تنصف متاعيس أهلك .

•

0 يلزم خسائر للضرورة  
فى كل حرب  
واحنا بقينا مهينين  
من غير حروب لكل ضرب  
احنا التاريخ فاتنا وسجلنا ف كشوف  
سوء المصير

وده مش كتير على (خير  
أمة وخير شعب )

\*\*

بس اكتروا تكاثرروا  
ياموعودين بين الأمم بكل صعب !

•

0 لو فى وشوشهم دما  
لماتوا أو خجلوا  
وان كان حداهم ضمير  
لا اتعدلوا اعتدلوا  
لكنهم من جبلة صناعى متودكين  
متدربين ومقهورين  
يموتوا لو عدلوا

\*\*

وكل واحد برقمة  
يننذ لو بدئه !

•

0 أنا عندي بلاعة  
بشرية تاكل ليّام  
والعمر ماعدش فيه  
قدرة لأى ملام  
كان كل ده مستخبي فين يابيه محترم  
لو كنت جيب واتخرم  
لطلببت لك إعدام

\*\*

فارضى بمصيرك وقايس  
ياما ضاعت الأحلام

•

0 أحيان تضيق الحياه  
ولا خُرْم إبره تكون  
لا يميز الشخص منها  
الطعم ولآ اللون  
الناس عموم الخلق والصفوة والنخبة  
تتمنى يخفى أثرهم  
قد يروق الكون  
\*\*

أو ترجع الانسانية  
دين لمن يعقلون!

•

0 أصبحت باكره سلوك  
الناس ومناظرهم  
وكأنى طول القرون دى  
عايشت ناس غيرهم  
يارب أموت قبل ينابيع الحنان  
ما تجف

وقبل ما تسف وتموت  
من الرحمه ضمايرهم

\*\*

انا يالى عشت الطفولة  
أرضع .. حليب خيرهم !

•

0 ح امزع توب ايماناتي

يسار ويمين ..

واحرق كل أوراقى

سياسة ودين

أموت وارجع من الأول عيل مولود

فى غيطانها

تلون جلدى ألوانها

وتهدينى لصلاة الطين

\*\*

كأنى (أوزير) أقوم فيها

تقوم فيّه ما نبقى اتنين

•

O هو انت ابن النهارده  
والاكنت ابن المسيرة  
اللى كانت طموحات آلام  
عذابات وحيرة  
كنت يمكن جمر مطفى بس فى قلبه  
الشرارة

وحتى لو كانت خسارة  
عشت طاهر السريرة

\*\*

كل حى مصيره موت  
إلا من نفسه كبيرة

•

0 إنت عشت العمر لحظة  
بلحظة مستنى شروقك  
كم حاجات من العدم  
حصلتها ما كانتش شوقك  
عمر ما لاوحت تكسب حتى فى  
معارك شريفة  
كنت طيبّ ب كالقـطيفة  
بس شرر الكذب كان يشعل حريقك

\*\*

فاوعى تندم ع اللى فاتك  
حتى لو كان من حقوقك

•

0 كان حدانا (جيفارا هوشى منه)  
و(بابلونـيرودا وجـياب)  
وكان ما بيننا صنف بالة  
باعوا مبادئهم عشان ياكلو كباب  
فى المعادلة ماكنش واضح مين معاه  
الحق، مين الحق دابجه

مافى حد إلا و حَدْ جرحه  
لذا مصيرنا كان هباب

\*\*

آه من خبث التـعالب  
لما تستنـسخ كلاب !

•

0 حد مين يا أهبل  
ح يعمل اللي لسَ ه بتعمله  
شعبك المغدور ان عرف  
آخرة طريقه ح ينسى أوّله  
أساتذه الدنيا إحنا فى نسيان التجارب  
ويوم ما ننوى نحارب  
عزم الأمل نِتسوّله !

\*\*

شيله من فوقى يافندى  
لجل اقوم أشنكله !

•

0 فيه نسيم من عندكوا  
هفهف كما نسمة عليه  
مسّ وجهى بالحنان  
وجاب صوركو قصاد عينيه  
ياه .. كل ما المسافات بتبعد ع الغريب  
بيقرب اكثر

من يوم هجرتونى بافكر  
فيكو وكأنى الضحية

\*\*

بس عفوا قلبى سامح  
لما وصلتنى التحية

•

0 من حق كاريو كا تقابل

الموت بنفسية سليمة

بعـدما عاينـت كبار القوم

على كعوبها كالخرق القديمة

واكم من العسكر وم البشوات

وأبطال المقاومة

كانوا غاويين المساومة

وكانت شروطها عظيمة

\*\*

حاجات من جينات مصر

واياك تقول شغل سيما !

•

0 فيه خلق ما يهـمّ هاش  
عيش ولا ملح ولا عِشرة  
لابسَة قناع الصداقة  
عيرة أو قـشـرة  
فقط المصالح بتفتل بينها حبل الود  
بضحكة ع القـد  
تفردها بوجوه كشرة

\*\*

كم في ساحات  
الأدب والفن منتشرة

•

0 صرِيخ جارتنا  
بطول الليَلِ مِفَزَّعْنِي  
وفاكْرَةَ اني أَكُون  
مطرحها أَوْجَعْنِي  
قَلْبَ َ عَلَيْهِ إَوْضِ انْعَاشِ  
عناير موت

يتجسد الصوت

كتم نفسي ومَزَّعْنِي

\*\*

كان عمر عكروت

في سجن تابوته أودعني

•

0 الرعب من بكره

شل إيدك عن الجائزة

رغم القلوب الصفوف

حوالك حاجات عايزة

وح تعمل ايه يا جبلة رباية الحرمان

مرهون لحلم الجعان

والحوجة – متحايزة

\*\*

وبكره من أمس طبعه

وفيه كل العبر جائزة

•

0 عجزك رهين ارتيابك  
فى وجود ربنا  
برغم صوت الأذان  
وزلزلة أرضنا  
ودم مسفوح بإسمه لإسمه بنكبر  
الله اكبر تخثر  
فى الرمال عقلنا

\*\*

ايه باقى كى نستعيد به  
من شرور كـفـرنا ..

•

0 إسمح لى أقول لك  
نيّتك مش خالصة  
داخل تخوض معركة  
وكأنها مناقصة  
الحل مش فى الأسامى ولا ف  
خطوط السير

من بعد دبح الضمير  
بالمصلحة الخاصة

\*\*

والكل جاهز يشارك  
كله اتعلم الرقصة !

•

O ليه يابلغ القوام  
عشمت قلبى الكسير  
وكان فى زمنه مبارز  
خسر معارك كثير  
مرعوب يضيع العشم ويخيب  
أمل صاحبه

يرجع لى صاحبه

بجبل زى الحمير

\*\*

خلينا ع البر أسلم

نفتى بوقار الخبير

•

0 آخر المتمة اكتشفت

انك ما عشتش يوم

على مين ح ترمى ذنوبك

فوق مين تحط اللوم؟

برضاك وكان اختيارك أن تعيش

كذاب

فريت حياتك كتاب

مكتوب بحبر مشوم

\*\*

رسمت بإيدك مسيرتك

زعيم سعيد مهزوم

•

O ثقافة بلا (زولا و هوجو)  
و(طه) وبقية الأساتيد  
مافيهاش لا (شوقى ولا بيرم)  
ولا ألف ليلة و لا (ماركيز)  
تبقى حياة النور فاتها أعلن وفاتها  
(قرضاوى)

تنعيها (خضرة .. الحجاوى )  
يبكى فى ميتمها التلاميذ

\*\*

وجاى تقول لى تنَورها  
بلجنة سابقَة التجهيز !

•

0 الخلق دى مالها  
بتزقق زى المجانين  
ولا حدش منهم عارف  
ليه بيخانق مين  
كله محموق على كله وكأن  
معاه الحق  
وفجأة بيزعق لأ  
لو غيره يسب الدين

\*\*

وتقول لى ثقافة؟  
دول نسيوا لغات البنى آدمين

•

0 حياة كئيبة بطعم

نَيّ قشر البرتقال

لا تساعى فى حضانها

غير الحرامى والمرابى والجبان

كل ما تلمم شتات علّتها على كره

القبیح

يستبيح أعراضها

أى مجرم كان

\*\*

وكأننا فيها بُعثنا

ملطشة لرب الهوان

•

0 عفوا يا أهل (الإيميل)  
والفيس بوك والأنبوب)  
كان نفسى أنزل بحاركوا  
(اهشتكن) وأدوب  
لكن أنا جيل سلالة عصر أنتيكة  
بقلم وأس تيكة  
بنتحمل عذاب (أيوب )

\*\*

يمكن بقى ف عمر تانى  
وفضاء ماهوش معيوب

•

0 انت ياعم عميق الوجدان  
بتحس اللي انا محسيتهاوش  
مؤمن بأساطير ماخلف  
الكون اللي انا ماشوفتوش  
أعمل إيه اذا كان شعري يادوب  
آهات إنسان شقيان  
عرقان يلهث طول اليوم  
ورا لقمة عيشه اللي ماحصلهوش

\*\*

فانساني ياسيدي أنا  
وشعري وماتقد هوش

•

0 خالى (السعيد) اللى كان  
بيشـد لى ودانى  
ماعرفش ليه النهاردة  
بيسرى حنين فى وجدانى  
عمر السواقى ماخَلَفِت بين إيديه  
مواعيد

لانت خشب وحديد

بعشق إنسانى

\*\*

قسوة بتنبض حنان

خضُر فى غيطنى ...

•

0 ماعودتش طايق أبلع

ولا اسمع أكاذيبهم

ولا قلبى الوجدانى بقى

خايف عَوَّ ديابهم

من يوم ما قلبوا الطليبه على أم دماغ

الشعب الأهبل

وانا عقلى مكبل بحبال

أساطير وخرافات مذاهبهم

\*\*

سبعين سنه هم وسجن وغلب

وماوعيتش بمقالبهم

•

0 عجوز قوى إنما  
مصصح على الدنيا  
سهران بيفتى ويشتم  
فِكْرَةَ بالتانية  
وظنه انه مافيش زيه فى أدب  
وسياسة  
تاخده الحماسه ثوانى  
يغلبه يأسه فى ثانية ..

\*\*

ياريتته أدرك بقلبه  
إن الحياه فانيه

•

0 صغـيرين وح تفضـلوا  
رغم الكتابه والقرايه صغيرين  
برغم حشو الكـذب  
فى بطونكم أناجر العجين  
طبع الكبار يكبروا بقدهم على مهلهم  
ما يصغروش

أما الكروش اللى بتحسبها قروش  
من يوم ميلادهم مسخوطين

\*\*

فاستعـبروا يا اهل الأدب  
من سوء مصير المخبرين

•

0 نفسى اما اموت

يدفونونى ف ارض (ميت سانسيل)

واحشنى صوت اليمام

والتوت وزيز الليل

لعل جسدى الهزيل يشعلل طميها

وطيها

لحمى يزيح عنها

بعضاً من عذاب الويل

\*\*

وفحمى فى القبر

يوافيها بفجر نبيل

•

O وليَّه على قدها  
وقصصها علّتني  
وكنت فإكرانها صدفة  
فن صادفتني  
لقيتها جلده مجلّة ملطخة ألوان  
لطشها غدر الزمان  
وبعّتها حسرتني

\*\*

أكثر بنات الأدب

نسوانها بتحبطني

•

0 باصحي وكان ف حلقى

واجب ما عملتوش

وكان ف قلبي موال

عن حق ما قلتوش

كل سنين العمر ماجوبتشي على

اسئلتى

وجميع أجوبتى هربت

من قلبي .. ما طاو عتوش

\*\*

لو إن العمر يعود بالواحد

يمكن اعيشه وماحسّ ُوش!

•

0 ياعم بطل عبط  
إعقلها واستهبل  
دى نخبة تافهة  
على الهايفة بستقتل  
مين اللى نصَّب عديم الذمّة يستوزر  
وإدى لمبعر نفوذ  
ع الشعب يستندل

\*\*

وسمح لماسخ عديم  
الدم يتـمخول..

•

0 شعرا كثير وبتسمعهم  
وبتقراهم ولاتشبعش  
الكل بيكتب مع كـه  
قصيدة واحدة ولا بتكملش  
صعايده وبحاروه وسواحلية ورمل  
وهيش

وما فيش حدا بيدخل قلبك  
ليه؟ ماتفهمش

\*\*

الظاهر انك مش شاعر  
يالشعر مهاجر ولاقال لكش..

•



0 مِشَنَّا خالتي (السيدة)

كان شهد أيام الطفولة

وحواديتها القديمة

ساحات أساطير البطولة

ليه تصافى العمر مَرُه الطعم واللون

اختلف

والانبع الحب جف

وشاقت الروح الخجولة

\*\*

يانسيم الذكري غيتني

راجع أيامي العجولة

•

O الشوارع زحمة وكل الخلق  
مِش مشغولة بيّه  
انا اللي عِشت العمر بينهم  
قلبي لجنونهم ضحيّة  
من صغر سنى ومراكبي حَمَلوها  
من همومهم

عُمت على عومهم  
وفاتونى وحد الحلق ميّة

\*\*

كنت واحد منهم والأ  
ما وعيت عنيّه؟

•

0 انا مش بالوم ناصر  
على قتل (شهدي) أو (البقري)  
أو على سنين كان سرقها  
من ربيع عمري ..  
لكن بلانا بالي سرقوا باسم  
الشعب حب الوطن  
وبعدما اتحملنا كل المِحَن  
بلانا بالي فتحتها ع البحرى ..

\*\*

السجن كان مدرسة  
والموت حقيقه واختبار شعري

•

0 الشعب سهران ع القهوة  
يقرقض ضفرة  
وساعات اذا مل القعدة  
يهرش شعرة  
لاكتاب فى ايدو ولا مسرح قادر يخاويه  
ولا حتى فيه باشا  
يراعيه يحكم امره

\*\*

مستنى خلال العقدة  
يفرد ضهرة!

•

0 خالى (الخميسى) كان قديس

لكن إنسان

وكان إذا حب

بيعشق بنت (النعمان)

لو كنت شاركته حياته وشردت معاه

كانت تعلمنى المأساه

شرف الأحران

\*\*

وكانت رواياتى اكتملت

بحليب الجان ..

•

0 مع بنت خالتي (رسمية)

حليت فوازير

الفرق بين قمح الغلة

والرز شعير

وعرفت (هارون) السلطان ماكانش

رشيد

والسندباد ماسافرش بعيد

ولا شـبـير شـبـير

\*\*

وياعيني ماتت وحديها

واخواتها كتـير

•

0 أنا إبنى (أشرف) عبر  
م (الأبشيجيت) \* للحياه  
رحلة عسيرة مريرة  
فى سحرها الكل تاه  
شياطينها كانوا ملايكة نتفوا  
جناحاتها

ضاع اللي صلتى صلاتها

فاتها اللي طلب النجاة

\*\*

كله ف جحيمها الجماعى

يبكى على لِيَّلاه!

•

\*الأبشيجيت : مساكن الطلبة الأجانب فى الاتحاد السوفيتي

0 بقى بعد (نيرودا وحكمت)

لوركا و حداد)

عايزنى استطعم أشعار

أولاد أو غداد

الشعر ياابنى غذا الوجدان نبض

الأوطان

وتلاوته رضا زى القرآن

سحر الإنشاد

\*\*

وحفظه يحفظ للإنسان

عطر الاجداد

•

0 خُد الحياه

بما هى عليه

ماتقولش كان ايه

ولا كان ليه

حتى اللى جاى لو كان فيه خير

ماكانش طير

أبدأ يرميه

\*\*

وان شر يبقى

ليه تبكيه !

•

0 فى صغر سنى حڪولى  
إن (ستالين) دا ملاك  
وفى صبايا رأيتَه  
نجمة فى الأفلاك  
وكبرت سافرت زرت وشففت  
رحت وجيت  
ياريت ما حَجَّيت  
لقيت القرب منه هلاك..

\*\*

كان قَرَنُ قول والعقول  
متكهربة الأسلاك!

•

0 كانت أكاذيب جميله

نهار ماعشناها

وأمجاد و أعياد

خطب أشعار قلناها

دفعنا فيها دما أطفال نساء و عيال

ورجال بعدد الرمال

أحياء دفنناها

\*\*

(يونيه) وياما كمنثله

دروس نسيناها

•

0 كشرى المعلم وزودلي

البصل والعدس

وان سلطة خضرا

ماتفرق أو عودين م الخص

يابختها مصر بثقافة وخيال كشرى

الشعب عـشري

تقص َّ َّ َّ ب له يموت فى المصن

\*\*

ع القهوة حلمه اللذيذ

شيشة معسل قص

•

0 قاعد على القهوة

يبلغ دخنة الشيشة

وكأها هنبو جوزة

في قعدة تحشيشة ..

حين اخته ماتت بناتها اللي دفنوها

ياحسرة اللي جابوها

كان لبسوة بيشة

\*\*

كان المزاج اتبدل

ولابقاش خيشة

•

O انا ابني أشرف جدع  
ماجاش لولادة  
في كل أزمة باشوفه  
يسد بزياة  
مع صاحبه في مشرحة أو خاله  
في إنعاش  
مع ابوه قتيل المعاش  
يسانده كالعادة

\*\*

وكانه أم الجميع  
او للجميع دادة

•

0 كان قرش صاغ الملك  
فى طفولتى قرش احمر  
من بين جميع الفلوس  
الفضة كان احمر ومتشرشر  
خالتى (سميرة) تشيلة لى من  
السنة للسنة

عيدية ليه انا  
معاه الفرحة يحضر

\*\*

نسمة سعادة أكيدة  
كل عام تكبر ..

•

0 سامحنى ياخال (لينين)

واسمح لى أختصمك

لا انا ثقافتى ثقافتك

ولا دمی من عصبك

خاصمت كافة رفاقك سفهت أحلامهم

مع ان كان منهم اللى

إذا صدقته كان عَصَمَك

\*\*

وماكنش جشع (ستالين)

جَرَّوْكَ قَصَمَك

•

0 متحالفين التحالف

حلفوا واخْتَلَفُوا

والخلف بينهم مخاوف

إن يَأْتَلَفُوا ..

يا عم ليه النفوس مابتصارحش

النفوس

ملعون ياشح الفلوس

لولاك كانوا اتنصفوا

\*\*

الحلف محتاج زعيم

باسمه الجميع هتفوا

•

O (جابر يا عصفور) تواضع

يـوم وكنـمـني

في دولاب وزارتك

فيران ريحها مكممني

وزارة المبدعين فيها المبدعين

تتهان

على إيد كتايب هوان

نقزّمهم وتهزمني!

\*\*

ورق الكتب لو نطق

يخجل يجادلني ..

•

0 لا عاد (جاهين)  
ولا (بهجت) ولا (ليثي)  
جرايدنا متحصنة بداء  
العمى الحيثي  
لا فيه رواية (لحقى) ولا قصة  
(ليوسف إدريس)

لوحده إبليس بيخرب  
بيها أحاسيسى

\*\*

ولإمتى ياشعبي  
تُحَرَّم من مواريثي

•

0دفتر تواریخی ..

مش راصد سوی أحزان

مافیش خلیفة نَفدُ

من حکم بالإعدام

ومافیش لاعمدة ولا والي ولا مأمور

إلا صابیه الدور

وقتله غروره بالسلطان

\*\*

واللی قلت اندبح

بلعنة النسیان!

•

0 ممنوع عايّه انى  
أخسر حِلْم لاشتراكية  
لحساب لصوص الوطن  
عن عَمْد سوء نية  
د انا العدالة اللى سكنت برج  
أفكارى

وَزَيْتُ لى أشعاري  
على نغم الصنّاعية

\*\*

مع إن أنا للأسف  
من جنس افندية

•

O مالك يا شاعر ومالهم  
إنت صاحب حلم ..  
واجب ان ترثى لمصيرهم  
حتى لو كان فيلم  
الشعر يحمى صفاء الروح وحق  
الناس

والسلطه وسواس

يعكر بالغباوة السلم

\*\*

ويفسد الكون

بحجة موجبات العلم .

•

0 الحزن ملك المشاعر  
والدموع عطاياها  
ما كانش راح تبقى  
شاعر يا (سمير) لولاه  
د انتَ عاشرتَه مواسم عِشق  
ناس وبيوت  
وصبايا موت من  
صِغَر سنك لاحول الله ..

\*\*

وَأدى فى شيبتك بتخضع  
فى جُنُون لِنِداه

•

0 لا على عقالك  
ولا جلد كعبي مقاسك  
عاشرت نسوان وعرفت  
رجالهم بعدد شعر راسك  
وليه فاكرنى بابص عليك من  
الشباك

الشك حَ رَضَ قفاك

يعِدْ أنفاسك!

\*\*

قوم صلى تراويح  
ولا تَوَزُّ الرِّيحَ على ناسك

•

0 لما امى ماتت  
وقع قلبي ف قرا فيصى  
غسلت بدموع عينيه  
عبايتى وقميصى  
ياموت كفاية حرقت بقسوتك  
ساحتى

ياتحل ساعتى  
ياتوصل فرط قصاقيصى

\*\*

الموت ينقى بعناية  
وفاكرينه عماه حيثى

•

0 ما عاد لناش مرجعية

حداكو يا أندال

وعشان كده لم فلتحتوا

لا فليح ولا عمال

فتوهوا فى الافتراضى واقلعوا

هدومكم

بقى وهنكم من همومكم

مش فهمكوا الأحوال

\*\*

دق العدو الخازوق

فرق بين الأجيال

•

0 مهما حاصرني المرض  
ما ادخلش مستشفى  
دخولها للموت عرض  
يغور بها ويخفي  
لو كنت بتحبنى إذا يوم حاصرني  
المرض

إيماني أنه عرّض  
يجعلني أستعفى

\*\*

كوني ف مكانى الطبيعى  
نبض الحياة أشفى

•

0 كنا نظن (ستالين)

م الأنبياء واكثر

وكنا باسمه بندعى

ان كُنَّا فوق منبر

الصورة كانت غيام لكن ولا الأحلام

وجتتا أيام بننسى

سيرته خوف يحضر

\*\*

ما أبشع الكذبة

حين فى القلب تتجذر

•

O لو كان للبنی آدم  
ممكنة انه يطير  
كان بطل يزحف على  
بطنة ويتشعبط ع المواسير  
لكن بطبعته بيمشى ويجرى  
ويصارع على قدمين  
دى يسار . دى يمين  
لجل ما يكشف إيه بيخاويه شرير

\*\*

وليه لما بيحب يزقطط  
ينتطط زى العصافير

•

O لو قلبك دمر نفسه  
بنفسه ما تستغريش  
واذا عقلك يوم اتبرأ  
من أمسه ماتستفسرش  
مكتوب في كتب الحكمة إن البنى ادم  
هو ضحية قلبه ياعقله  
ويا ما كتير قلبه عملوها  
فاحذر تتباكى وماتستحمرش

\*\*

لا ليك بكره ولا ليك امبارح  
زى الطير الجارح عودك هَش

•

O ماتداری یاصبیة صدرك  
من جنون الشمس  
لو كان فى ضى القمر  
ح يدوب عسل م اللمس  
انا عشت عمرين على صدور  
الخيال بارتاح

وصارعت ياما رياح  
بتحرّم عليّ الهمس

\*\*

حذاري لا تستخطيني  
فى شيبتي طفل الأمس

•

O يكون بعون الجدع ده  
له جسد انثوى  
وماشى زى المرة  
فى خطواته بيتلوى  
ودا شكل لكن رجال ياما بيشبهون  
النسا

مش فرق فى الألبسة  
ولامين ضعيف مين قوى !

\*\*

لكن قرار م الطبيعة  
جعل الجميع يستوى !

•

0 أنا يا أصابنى الجنون

يا ما ح اتجـنن

فى كل شىء بالقى شىء

يلهمنى اتفنن

نبض حياه فى طيور أو ناس

على القهوة

تجتاحنى شهوة أفور

ع الورقة وادندن

\*\*

كافة معانى الحياة

فى ودانى تتدورن

•

O الطير ما بلطش يخرُّك  
من صباح ربنا  
فى الشمس فى الضل  
يبعد أو يفوت جنبنا  
ياريتنى أقدر يا طير وانا كنت  
اطير جنبك

واخاوى قلبى وقلبك  
فى الخطر والهنا !

\*\*

مين فينا يا طير ح يكسب  
أنت ؟ والّا أنا ؟!

•

0 يا من دعتك الزعامة

لظلم أحبائك

وكتبنا فيك الأغاني

حماس على أبوابك

إرحم تاريخك وعاود خدمة

لمسيرتك

إحكي لنا سيرتك

لكن مع شرح أسبابك

\*\*

هل كان غباوتك كاريزما

والأعيب شأبك؟

•

0 على مسار التاريخ  
الكذبة كانوا كثير  
خبرات اذاعة و اشاعة  
وطنطنة وتبرير  
أنقح ما فيهم شيوخ إعلام بنى  
سفيان

اللى أعادوا بيان  
الوحى والتفسير.

\*\*

وقدسوا المش مقدس  
وشبعوه أساطير

•

0 بتحس دوخة خفيفة

حين تفوق م النوم

وتبكي عهد الصبا

لما تهم تقوم ..

هو الزمن يافتى وصفحاته معدودة

والعافية محدودة

تبتهت كل يوم عن يوم ...

\*\*

قوم واجه الدنيا كما هي

وكما انت وبطل لوم

•

O المصرى أصبح يوماتى  
تظهر له كرامات جديدة  
يصرخ لو يجيب بصره  
يتخاق على عقب حديده  
يتلقح ع القهوه لحد الفجر ما يدن  
والصبح يبان

سهران ولا عادش ينام  
وكأنه حياته سعدة

\*\*

مع إن الكهريا مقطوعة  
والجثة تغطيها جريدة

•

0 أنا عشت أجمل  
لحظة في صبايا ما حسيتهاش  
غير يوم عرفت ان عمرى  
بدونها عدّى بلاش  
إحنا مابنشوفش بكره ولا نقدر  
نرجع أمس  
والنفس معذورة  
تلحق لحظة ما تعيشهاش

\*\*

هى الحياة كلها ومضه  
ماتلحقهاش ..

•

O أبشع ما فى الدنيا

تعرف شخص ويحبك

وبدون سبب تفهمه

يقلب فجأة ويلبِّك

صحيح قلوب البشر قلابة

بظروفها

لكن اللى باهت شرفها

حسبها ذنبك

\*\*

بقت الصداقة سراب

ذنبك على جنبك ...

•

0 بقى القعاع ع القهاوى  
حـق للستات  
حتى ف شوارع حوارى  
لا موضـة ولا حركات  
باتمنى يرجع لمصر أمان ضميرها  
القديم

وتغور ثقافة الحریم  
وشرايع الأموات  
\*\*

ولا تقهر الأمهات  
خلفة ولاد أو بنات

•

O ولو اعزى كل اللي مات  
أنا مين يعزىنى ..  
عجزت أجمع حروف  
عشان تبكى ، فتبكينى  
الموت نفس ريشه من ميت سلسيل  
إلى شبرا

بين كل مرة ومرة  
إذا القط نفسي يحيينى

\*\*

ياريت ان نفقت  
ألقى حد حبيته يرثينى

•

O هذا الذى حـيرك

يوم موته فى أمره

ماكنش أبدا سليم

النية فى مشاعره

ياما ابتسم لك وجاملك بس

وَزْ عليك

واما تلاحقه عينيك

يعطيك مقاس ضهره

\*\*

واما يسلم عليك

يقف من الرعب شعره

•

0 كنت باحس اما يكلمنى  
كأنه مكلف يستجوبنى  
ساعات قارش ملهى  
ومصمم فى ساعات يعجبنى  
إحترت معاه واما صارحته بشكوى  
اتحدانى

وهز مشاعرى حزنه الإنسانى  
لكن من يومها اتجانبى

\*\*

حسيت انه نقل العطا  
عمره ما فكر يعاتبنى

•

O ياما فيه أفنديه ياما  
مُسجَلين كعساكر  
فيهم المَوْهَل بطبعه  
واللى براحتة مذاكر  
متفطنين ع المراكز كل شكل  
ولـون

لا للمعاش يخرجون  
ولا يسكنون الهناجر

\*\*

ويمارسون المواجد  
حين يدخلون المقابر

•

O نفسى اسألك (يا ابن عيسى  
عن علاء و غنيم  
عن ابن دومه وشادى  
وزياد ونهله وريم )  
مش كنتو ورد الجنابين والربيع  
نوار

دلونا مين اللى ثار

مين قبض ملايم

\*\*

أشكى لرب العساكر

والا لرب الحرير

•

0 كل مصرى احتكم على عضة  
بمصمصها ع الآخر  
ولو يقدر يقرقشها  
وإذا ما عرفش يتفاخر  
جرى لكو إيه يأهل مصر فقدتوا  
ميزة المصري

كله بيهرى ف غيره  
يجيب له م الآخر

\*\*

وكان فى غاية ما يغضب  
لا مواخذة يقوم شاخر

•

O فيه فعل تخجل منه  
وفعل يفخر بـ  
وفيه زمن تحكى عنه  
وذكريات تـأذيك  
الدنيا من ده وعلى ده وكل حادث  
بحكمه

واللى يداينك بلقمة  
تتنقل حموله عليك

\*\*

وحذارى م اللى آذيته  
ضعفه ح يطمع فـيك

•

0 الست هانم دى كذبة  
من كبار الكذب  
وجودها خازوق مغرى  
فى نافوخ الحزب  
يا عم يالى تناضل لجل شعب يفوق  
كان تبقى زوق لـ  
تقاوم الشهوة لما تحب

\*\*

واعمل حساب العدا  
بيغطسوك ما تقب ..

•

O الشاعر لما تتسرب منه  
قواه الشعرية وتهرب  
ما ح يقدرشى يغنى للحريه  
ولا يتحدى الظلم ويغضب  
يلبذي لحافه المطوى على  
طرف سريره

ويفرد أساريره بالصوت  
والصورة ويصبح أكذب

\*\*

يتربص فرصة يدبح  
يلدع فى غدر العقرب

•

O أنا اللي فكرت شعبك  
بيعدى فترة نقاهة  
أتارية رجع للمراهقة  
أدمن عصير التفاهة  
ليه ياللى ضربوا المثل بذكاوة  
اطفاله

دابح عياله بيدفع  
تمن سنين السفاهة

\*\*

وَمُصِرْ يُوصل لِبكرة  
عريان عديم الوجاهة

•

0 بيكون فى عز افتخاره  
لما ينام على بطنه  
ويعض باسنان وقاره  
فى حصيره أو قطنه  
العزة تفرق معاه لو كان على  
المكتب

مادام اللى يركب  
يكون راضى خبيث رطنه

\*\*

يارب استر عليه  
مسيره يحين لطمه

•

0 هلكت روحك مع النسوان

بلا فائدة

والكل فى الضلّمة واحد

لادى ناقصة ولا زيادة

عجوزة زى الصببية والشقرا

كما السمرة

لو جمره حمرا بتخمد

ماتفضل للأبد قايده

\*\*

وكل شئ له تمن

وفوقه مُركبّة الفائدة

•

0 عايش يجمع رُقَع

تخفى هلاهيل تيايه

خايف من الشيبه تكشف

ما جناه فى شبايه

يا عم دور تلاقى كم فى صباك

من مزايا

لكل منا خفايا

وحضور يعوض غيابه

\*\*

شرطاً ما يخلش يكشف

إيه اللي زود منابه !

•

O كل فرد بنفسه هوّه ذات  
نفسه قبيلة وهوّه شيخها  
فإذا أقنعته راح يقنعها  
بشبابها وبشيوخها  
التخلف خدنا رجعنا لعصور قبل  
القبائل

بعد ما شُفْنَا الهـــــــــــــــــوايل  
م النخاسة للحدائثة وموت تاريخها

\*\*

إنتوا فين يـــــــــــــــــافلاسفة فينكم؟  
خدوا دمي واعجنوه سدوا شيوخها

•

0 واقف على القبر

باستجد بأصحابه..

واقف على البواب

لعل يعود لى مين غابوا

أصحابى راحوا وفاتونى مئات

خدوا منى

لو كنت جـنى

لكنت رحلت فى شبابه

\*\*

إرتاحوا فى القبر همّه

وعشت فى عذابه

•

0 لا مؤاخذة إحننا أمه  
ماتستاهلش ديمقراطية وبرلمان  
إحننا أمة جربت كل  
أشكال الحكومات من زمان  
ماعدش ينفع أن تقوم تانى ونبدأ  
من جديد

بعد جينات العبيد ما فرّخت  
فى دمنا العرق الجبان

\*\*

والعشم فى ربنا يغفرلنا -  
وحده- رضانا بالهوان

•

O (نجلاء) و(نادية) و(نبيلة)

والهموم بتنعّم

أخيرا ارتاحوا يا بنى

فى حضن الأم

والعبرة فى اللى رماه الحظ

مال ما عطاءه

ولا حباه بالخلف

وبرضه حاله يغم

\*\*

ذاكر الدروس يابطل

وأحذر زمان بيخّم ..

•

0 أنا أوزنُ 5 (حجاب)  
2 و (أبنودي) و3 (جاهين)  
لو كنت اتملكت (صباح الخير)  
واتصاحت على (عروق) أوزفت الطين  
لكن انا نكدي دمي تقيل ولساني  
مغرور

قصايدى مداقتش النور  
غير لما عدّيت السبعين

\*\*

كان الشعر اتجنن واتعلّب  
وصبح موضة وفراغة عين

•

O هيئه سياسة (معاداة  
الشيوعية ) ليه انعدمت أخبارها  
مش ممكن أصدق إنـها  
كفت يوم عن تجنيد أنصارها  
حتى لو اابتدعت ميت داعش  
واعش (إسلامى)  
فكّر فى كلامى – الحية بتعيز  
جلدها مابتغرش مسارها

\*\*

العدل والاستغلال ضـدين  
من أول ما الإنسانيه بدأت مشوارها

•

O بلدنا زِي اللي انسعرت  
وبتاكل آخر زاده  
ياخوفى أعيش لحد  
ما أشوفها بتاكل أولاده  
ياللى بليتونا بعصابات الاخوان  
وطلقتوها علينا  
ليه بتشلوا إيدينا  
عن إننا نكسر سم جرادها؟

\*\*

ونعري بثقافته الحرية  
والمستقبل أغراض أسياها؟

•

0 انا باحسد الطيور وخصوصا  
العصافير قدرتها ع المناورة  
ووعياها الحويط بكل مايحيط  
من موانع مجاورة  
تلف فوق الشجر وتدور مابين البيوت  
مش بحث عن قوت وبس  
لكن عفرته ومغامرة

\*\*

وأكيد ما بينها على اتساع الفضا  
كلام محبة ثرثرة ومحاورة

•

0 سامحنى ياللى طولت  
لسانى عليك  
بس ياريت تنظر  
بصفاوة نفس فى قلب عنيك  
وبص وراك فى جراءة وفتش  
عن ذنب ملاحقك

ودور ع اللى أخذته  
مش حقك بيشل ايدك

\*\*

وماتز علس بقى مادمت  
فى قلة أدبى شريك

•